

Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja

fax: + 387 33 552 810

selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja

fax: + 387 33 552 810

dzenita@sogfbih.ba

Sadržaj biltena:

Općina Cazin prikupila milion KM emisijom obveznica	1
U B.Petrovcu uvedeno stanje elementarne nepogode -suša	2
Kanton Sarajevo povrijedio pravo općina na lokalnu samoupravu	2
U Čapljini svečano pušten u rad novoizgrađeni sportski kompleks	3
"Krupa-kabine" grade savremenu proizvodnu halu od 4 mil. eura	3
U Nemili kod Zenice počinje izgradnja toplane na biomasu	4
Razgovor o osnivanju međuopćinske sanitarne deponije u TK	4
Međuopćinska saradnja na izgradnji prečišćivača otpadnih voda	5
Općina Goražde potvrdila da sa pravom posjeduje certifikat 9001:2008	5
Zenica odabrana za realizaciju projekta liječenja i prevencije korupcije	5
Izabran v.d. načelnik Općine Grude	6
Načelnik Ivančević dobitnik zlatne plakete ILH	6
Općina Ilijaš potpisala protokol o bratimljenju sa turskom Općinom Bayraklı	6
Načelnik Općine Gradačac boravio u Sivasu	7
U Živinicama održana 4. Međunarodna smotra folklornog stvaralaštva	8
Ni zakona, ni certifikata: Šumarstvo u FBiH na rubu održivosti	8
Raspisan tender za izgradnju vjetroelektrane u Bosanskom Petrovcu	9

Bilten Saveza općina i gradova Federacije Bosne i Hercegovine

OPĆINA CAZIN PRIKUPILA MILION KM EMISIJOM OBVEZNICA

Emisija obveznica općine Cazin, čiji je upis počeo 11. juna/ lipnja, a koja je izvršena putem Sarajevske berze, uspješno je završena u predviđenom roku. Upisana je cjelokupna emisija od 1 milion KM i na taj način Općina je obezbijedila sredstva na koja je čekala skoro 2 godine, a koja su bila neophodna da započne projekat izgradnje poslovne zone „Ratkovac“ u Čoralićima. Prodano je 10.000 obveznica nominalne vrijednosti 100 KM po obveznici uz prinos od 6%.

Poslovna zona „Ratkovac“, na lokalitetu Čoralići, osnovana je Odlukom Općinskog vijeća Općine Cazin na 06.07.2011. godine s ciljem stvaranja uslova za privredni razvoj i poduzetništvo. PZ „Ratkovac“ obuhvata površinu od 26,19 ha ili 261.934 m², a nacrtom Prostornog plana Općine Cazin definisana je kao privredno područje. Postojeća infrastruktura u Zoni nije u funkciji, ali postoje nužni preduslovi da se buduća infrastruktura u Zoni priključi na glavne vodove, kao što su priključak na elektromrežu i vodovod.

Zemljište predviđeno za poslovnu zonu „Ratkovac“ trenutno je u 100% privatnom vlasništvu, a Općina Cazin preuzela je brojne korake kako bi otkupila zemlju i započela sa investicijskim ciklusom u izgradnju neophodne infrastrukture. Općina planira inicijalno da putem zaduženja u iznosu od 1.000.000 KM, izdavanjem općinskih obveznica, finansirati otkup, opremanje zemljišta i izgradnju infrastrukture.

Razvoj PZ "Ratkovac" planiran je u 3 faze i uključuje stavljanje u funkciju ukupno 230.000 m² (23 ha). Predviđa se ukupno raspoloživa korisna površina od 200.000 m² (20 ha) za preduzetnike, a preostalih 30.000 m² (3 ha) predviđeno je za infrastrukturu u Zoni. Prosječna veličina parcele procjenjuje se na cca 5.000 m², što znači da bi u Zoni svoje proizvodno-poslovne objekte moglo izgraditi cca. 40 domaćih i stranih investitora. Predviđeno je i usitnjavanje prosječnih parcela do 1000 m². Ciljani sektori obuhvataju: poljoprivredno-prehrambeni, drvo-prerađivački, metaloprerađivački, tekstilni i sektor energetske efikasnosti.

Dinamika izgradnje poslovne zone Ratkovac podijeljena je u tri faze i predviđena je da traje 36 mjeseci. Prvu fazu čini izrada projektne dokumentacije, otkup zemljišta/zamjena zemljišta, početak izgradnje infrastrukture (12 mjeseci), drugu fazu čini otkup drugog dijela zemljišta i izgradnja infrastrukture (12 mjeseci) i treću fazu čini završna izgradnja infrastrukture. Počevši od 2012. u narednih 12 mjeseci, predviđeno je da izvrši izrada projektne dokumentacije, priprema građevinskog zemljišta, otkupi prvi dio zemljišta (11,7 ha ili 58,5% korisne površine Zone) i započne sa izgradnjom infrastrukture. Narednih 12 mjeseci završit će se otkup ostatka zemljišta i nastaviti sa izgradnjom infrastrukture, te u finalnih 12 mjeseci završit će se kompletna infrastruktura.

U 2012. godini predviđene su aktivnosti otkupa i pripreme izgradnje građevinskog zemljišta, koje će se finansirati većim dijelom iz zaduženja (emisija općinskih obveznica 1.000.000 KM), a manjim dijelom iz sredstava budžeta, granta Ministarstva USK-a i/ili Federalnog ministarstva rada, obrta i poduzetništva i sredstava ostalih donora (300.000 KM).

U 2013. godini planirano je da se završe aktivnosti vezane za otkup zemljišta te da se započne izgradnja i infrastrukturno opremanje 1. faze poslovne zone (11,7 ha), koje će se financirati iz novčanih tokova od prodaje zemljišta investitorima (1.800.000 KM). U ovoj fazi investitori će plaćati cijenu zemljišta od 15,34 KM/m².

U 2014. godini planirano je da se završi otkup zemljišta i nastavi izgradnja infrastrukturnog opremanja 2. faze poslovne zone, koje će se finansirati iz novčanih tokova od prodaje zemljišta investitorima (800.000 KM). U ovoj fazi investitori će plaćati cijenu zemljišta od 24,46 KM/m².

U 2015. godini planiran je završetak prodaje preostalih parcela ukupne veličine od 50.000 m². U ovoj fazi investitori će plaćati cijenu zemljišta od 27,61 KM/m², što bi trebalo biti dovoljno da se pokriju ne samo troškovi investicija u opremanje poslovne zone, nego i troškovi finansiranja (troškovi kamata i naknada vezanih uz emisiju municipalnih obveznica).

U ukupnoj strukturi financiranja, vlastita sredstva dobivena od prodaje zemljišta čine 65%, posuđena sredstva 27%, te ostali izvori sredstva 8%.





Grb Općine Bosanski Petrovac

**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfoceantar.ba
www.balkanfund.org
www.eurelmed.com
www.eacea.ec.europa.eu

Sporne odredbe Zakona o koncesijama KS, a koje definišu predmet koncesije su: objekti saobraćaja u mirovanju (javne podzemne garaže i/ili nadzemne garaže, parkirališta), korištenje građevinskog zemljišta u oblasti niskogradnje, što je suprotno i sa odredbama federalnog Zakona o građevinskom zemljištu, kao i prostori i objekti kulturno - historijskog i prirodnog naslijeđa, koji su od lokalnog značaja.

U BOSANSKOM PETROVCU UVEDENO STANJE ELEMENTARNE NEPOGODE – SUŠA

BOSANSKI PETROVAC, 03. juli/srpanj – Danas je Općinski štab civilne zaštite Bosanskog Petrovca proglasio stanje elementarne nepogode uslijed nedostatka vode za piće u vodoopskrbnom sistemu i visokih dnevnih temperatura.

Kako su smanjenim dotokom vode iz crpilišta ugroženi životi ljudi, mjerama koje je preduzeo Štab CZ će se u narednim danima omogućiti vodosnabdjevanje, ali uz izričito upozorenje građanima da ne koriste vodu osim za osnovne životne potrebe. Komandant štaba, načelnik Hajder, je ovim mjerama predložio i da se angažira tim ispred komunalnog preduzeća koji će otkrivati i uklanjati nelegalne priključke čiji će vlasnici biti pozvani na odgovornost u skladu sa Zakonom. Današnjom odlukom aktivirani su i povjerenici Civilne zaštite po mjesnim zajednicama, te je naloženo Komunalnom preduzeću da predloži Općinskom vijeću mjere za saniranje stanja u toj firmi koje su i doprinijele ovakvom stanju u vodosnabdjevanju Bosanskog Petrovca, te da donese program naplate zaostalih potraživanja. „Nesavjesnim radom preduzeća i neodgovornošću pojedinaca koji su se nelegalno priključili na gradski vodovod, ali i onih koji ne plaćaju redovno vodu, dovedeni smo u ovakvo stanje. Iskreno vjerujem da će građani prepoznati alarmantnost situacije i da će se izdici iznad dnevno političkih komentiranja ove problematike, te će poštovati preporuke i odluke Štaba Civilne zaštite. Ovo je problem koji nas se svi tiče i vrijeme je da napokon postignemo solidarnost na najvišem nivou“, istakao je načelnik Hajder.



Bosanski Petrovac

KANTON SARAJEVO POVRIJEDIO PRAVO OPĆINA NA LOKALNU SAMOUPRAVU

Kanton Sarajevo, usvojivši Zakon o koncesijama, povrijedio je pravo općina Stari Grad, Novo Sarajevo i Vogošća na lokalnu samoupravu, utvrđeno je ovo u presudi Ustavnog suda FBiH donesenoj na osnovu apelacije kojom su ove tri općine tražile preispitivanje ustavnosti Zakona o koncesijama KS.

Apelacija pred Ustavnim sudom FBiH za preispitivanje ustavnosti Zakona o koncesijama KS podnesena je u januaru/siječnju, 2012. godine na inicijativu Općine Stari Grad.

Ustavni sud FBiH je naložio Kantonu Sarajevo da u roku od tri mjeseca, od dana objavljivanja presude u Službenim novinama FBiH i KS, sporne odredbe Zakona o koncesijama KS usaglasi sa Evropskom poveljom o lokalnoj samoupravi i Zakonom o principima lokalne samouprave FBiH.

Sporne odredbe Zakona o koncesijama KS, a koje definišu predmet koncesije su: objekti saobraćaja u mirovanju (javne podzemne garaže i/ili nadzemne garaže, parkirališta), korištenje građevinskog zemljišta u oblasti niskogradnje, što je suprotno i sa odredbama federalnog Zakona o građevinskom zemljištu, kao i prostori i objekti kulturno - historijskog i prirodnog naslijeđa, koji su od lokalnog značaja.

Za Općinu Stari Grad posebno su značajni parking prostori. Upravo zbog Zakona o koncesijama KS osporena je izgradnja podzemne garaže preko puta Vijećnice u Šahinagića ulici.

Na tom mjestu, gdje se danas nalazi parking, bilo je planirana izgradnja podzemne garaže na površini od 3.122 metra kvadratna sa oko 150 garažnih mjesta. Vrijednost ovog projekta je oko 6,5 miliona KM, od čega bi oko 2,1 miliona KM investitor direktno uplatio u budžet Općine Stari Grad. Iznad garaža bila je planirana gradnja jednog od najvećih i najuređenijih trgova u KS. Ibrahim Hadžibajrić, načelnik Općine Stari Grad, u novembru prošle godine, kada je bila aktuelna izgradnja podzemnih garaža u Šahinagića ulici, je najavio kako će sa 2,1 miliona KM kupiti deset minibusu za prevoz građana u starogradskim padinskim naseljima. Ovaj projekat nije dobio podršku vijećnika Općinskog vijeća Stari Grad upravo zbog Zakona o koncesijama Kantona Sarajevo.

Ustavni sud FBiH osporio je i odredbu kojom je u Zakonu o koncesijama definisan način raspodjele novca od dodjele koncesije. Po Zakonu o koncesijama 40 odsto novca pripalo bi općini na čijoj se teritoriji nalazi predmet koncesije, a 60 odsto Kantonu Sarajevo.

„Ustavni sud FBiH je utvrdio da u podnesenom zahtjevu, a ni u toku javne rasprave, nisu prezentirani pokazatelji koji bi iskazani omjer podjele novca između općina i KS učinio razumnim, a time i dokazanim. Ustavni sud FBiH je utvrdio je da je iskazanim omjerom raspodjela prihoda od koncesije između KS i općina povrijeđeno pravo na lokalnu samoupravu“, istaknuto je u presudi.

U ČAPLJINI SVEČANO PUŠTEN U RAD NOVOIZGRAĐENI SPORTSKI KOMPLEKS

U Čapljini je u rad pušten novoizgrađeni sportski kompleks u sklopu kojeg se nalaze balon - dvorana sa tri sportska terena i dva sportska terena na otvorenom. Vrpca je zajedno sa mladim sportašicama i sportašima, tj. predstavnicima omladinskih pogona čapljinskih sportskih kolektiva, presijekao načelnik općine Čapljina dr. Smiljan Vidić, čime je ovaj kompleks pušten u rad.



Manifestaciji je u ime Vlade HNŽ-a nazočio ministar poljoprivrede, šumarstva i vodoprivrede Donko Jović, a manifestaciji se pridružio i Velimir Pleša, Generalni konzul Republike Hrvatske u Mostaru.

Na mjestu na kojem se danas nalazi ovaj kompleks '70-ih godina proteklog stoljeća izgrađen je sportski centar na otvorenom koji se koristio do rata, tj. '90-ih godina. Tijekom rata sportski centar poprilično je oštećen i devastiran, posebice podloga za igru, što je onemogućavalo sportskim kolektivima korištenje ovog kompleksa za treninge na otvorenom.

2008. godine dolazi do naglog razvoja čapljinskog sporta, pa Gradska sportska dvorana postaje tijesna za sportske kolektive, koji iz dana u dan bilježe sve veće uspjehe i prelazak u više rangove natjecanja, a što za sobom vuče potrebu većeg broja treninga, za što su potrebni novi i bolji uvjeti za treninge. Upravo zbog navedenih razloga javlja se potreba izgradnje novog objekta koji će koristiti sportskim kolektivima i svim sportašima naše općine.

Općinska vlast je za ovaj problem tražila što bolje rješenje. Odlučeno je da se na području nekadašnjeg sportskog centra izgrade vanjski tereni za košarku i nogomet, a da se na ostalom dijelu izgradi balon dvorana, u kojoj će biti teren za mali nogomet, tenis i jedan multifunkcionalni teren za košarku, rukomet, odbojku i badminton.

U kolovozu prošle godine završeni su vanjski tereni, tako da su čapljinci dobili jedno nogometno i jedno košarkaško igralište u punim dimenzijama, uz koje su izgrađene nove tribine u sklopu kojih se nalaze uredske prostorije i svlačionice.

Početkom ove godine podignuta je moderna balon dvorana koja je jedna od najvećih u ovom dijelu Europe. Važno je također napomenuti kako ovaj objekt ima sofisticirani sustav grijanja i hlađenja po svim standardima energetske učinkovitosti i zaštite okoliša. Unutar balona nalaze se objekti u kojima su smještene svlačionice i uredske prostorije, a uz sve to unutar objekta nalazit će se caffe bar.

Ukupna investicija za sportske terene na otvorenom i balon dvoranu iznosi 600 000 eura, a završetkom ovog projekta otvoreno je 5 novih radnih mjesta. Projekt je u cijelosti financirala Općina Čapljina.

"KRUPA - KABINE" GRADE SAVREMENU PROIZVODNU HALU OD ČETIRI MIL. €

Četiri miliona eura novih stranih ulaganja, izgradnja hale od 5.900 kvadratnih metara i zaposlenje za novih 100 radnika rezultat je višemjesečnih razgovora vođenih između općinskog načelnika Armina Halitovića, generalnog direktora grupacije SIAC iz Italije i direktora preduzeća "Krupa - kabine" koje djeluje u Bosanskoj Krupi u okviru grupacije.

Početkom avgusta očekuje se izlazak prvih mašina na teren radi izgradnje nove savremene proizvodne hale, koja će postojeće kapacitete preduzeća "Krupa - kabine" znatno povećati, a Bosanskoj Krupi i njenim stanovnicima obezbijediti nova radna mjesta. Rok za završetak radova je kraj januara/siječnja 2013. godine.

Inače "Krupa - kabine" su vrlo uspješan kolektiv sa 150 zaposlenih. Ovo preduzeće se bavi proizvodnjom kabina za radne strojeve i drugih proizvoda neophodnih za poljoprivredu i građevinarstvo, a već duže godina radi u tri smjene i vodeće je u izvozu metalnih proizvoda na području Unsko-sanskog kantona. Nova ulaganja će izvoz utrostručiti, a broj radnika povećati. Tajoki Jakinto posebno je istakao činjenicu da su u Bosanskoj Krupi naišli na razumjevanje općinskog načelnika Armina Halitovića i vrlo raspoložene službenike koji su im uvijek bili na usluzi i da su vrlo brzo dobili sve potrebnu dokumentaciju iz nadležnosti Općine, što je bilo prevlaka u odluci da proizvodnju iz nekih drugih zemalja prebace u Bosansku Krupu. Općina Bosanska Krupa svim ulagačima je omogućila oslobođanja i olakšice za takse i naknade ako se radi o izgradnji proizvodnih objekata, a olakšice su veće ukoliko se upošljava veći broj radnika u novoizgrađenim pogonima. Izuzetno zadovoljan otpočinjanjem aktivnosti na ovoj investiciji vrijednoj oko 4 miliona eura je i načelnik općine Bosanska Krupa Armin Halitović koji kaže da su ovakva ulaganja krupa troipogodišnjih stvaranja uslova za povoljnije okruženje investitorima bilo da žele investirati u poslovnoj zoni ili na nekom drugom mjestu.



Grb Općine Čapljina



Sa sastanka načelnika Halitovića sa predstavnicima SIAC Grupe

"Krupa - kabine" su vrlo uspješan kolektiv sa 150 zaposlenih. Ovo preduzeće se bavi proizvodnjom kabina za radne strojeve i drugih proizvoda neophodnih za poljoprivredu i građevinarstvo, a već duže godina radi u tri smjene...



Grb Općine Zenica

**KORISNI LINKOVI ZA PREDPRISTUPNE
FONDOVE EU:**

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

U NEMILI KOD ZENICE POČINJE IZGRADNJA TOPLANE NA BIOMASU

ZENICA, 26. juni/lipanj – U sjedištu Općine Zenica, jutros je ambasador Republike Češke u BiH Tomaš Sznyog predao tehničku dokumentaciju za projekt "Korištenje obnovljivih izvora energije za sistem centralnog grijanja u Nemili", načelniku Općine Husejinu Smajloviću, s kojim je potpisan Ugovor o izvođenju građevinsko- zanatskih radova u sklopu ovog projekta.



Ambasador Sznyog je posjetio Zenicu u pratnji predstavnika Češke razvojne agencije i konzorcija čeških firmi zaduženih za uspostavljanje centralnog daljinskog grijanja u naselju Nemila, 20-ak kilometara udaljenom od centra Zenice. Nakon svečane primopredaje dokumentacije, gosti su u pratnji domaćina, obišli prostor budućeg gradilišta.

Općina Zenica je sa Češkom razvojnom agencijom u julu/srpnju prošle godine potpisala Memorandum o razumijevanju na implementaciji ovog projekta, koji podrazumijeva izgradnju Toplane na biomasu sa pratećom infrastrukturom, kapaciteta 3MW, na prostoru mjesne zajednice Nemila, do 2013. godine.

Češka vlada je odobrila grant u iznosu 1,48 miliona eura, dok Općina Zenica ulaže oko 1 milion KM, a za izvođača radova izabran je češki konzorcij Mevos, VHS Brno i Eveco Brno.

Prvom fazom izgradnje sistema daljinskog grijanja, biće obuhvaćeni objekti osnovne škole, doma zdravlja, policijske stanice, društvenog doma, te privatnih objekata koji se nalaze uz trasu toplovoda.

"Radi se o kvalitetnom projektu, kojim će dugoročno biti riješeno niz problema građana Nemile, izuzev grijanja, i kanalizaciona mreža, odvod ispod nadvožnjaka koji je mnogo godina mučio ove ljude", izjavio je danas načelnik Općine Zenica Husejin Smajlović.

Građevinski radovi startaju početkom jula/srpnja, a prema projektnoj dinamici trajaće do kraja novembra/studenog.

Sistemom daljinskog grijanja u Nemili upravljaće JP "Grijanje" Zenica, a pri odabiru lokacije projekta važnu ulogu igrala je efikasnost lokalne administracije kao i raspoloživost drvne mase koja se koristi kao osnovno gorivo za toplanu.

Danas je istaknuto i da će sistem centralnog grijanja sa kotlovnicom na bazi biomase znatno doprinijeti poboljšanju kvaliteta zraka i zdravlja stanovništva u Nemili.

RAZGOVOR O OSNIVANJU MEĐUOPĆINSKE SANITARNE DEPONIJU U TK

Mirsad Hadžiselimović, ministar prostornog uređenja i zaštite okolice Tuzlanskog kantona boravio je u posjeti općini Kladanj gdje je sa općinskim načelnikom Fuadom Imamovićem razgovarao o projektima zaštite okoliša.

Na sastanku koji je održan u zgradi Općine Kladanj najviše se razgovaralo o osnivanju međuopćinske sanitarne deponije za čvrsti otpad.

Općine Kladanj, Banovići i Živinice su već pokrenule aktivnosti za osnivanje međuopćinske sanitarne deponije, a u narednom periodu izvršiti će se izbor lokacije i izraditi studija izvodljivosti za realizaciju ovog značajnog projekta kojim će se smanjiti broj divljih deponija i omogućiti prerada otpada na jedan savremen i ekološki prihvatljiv način. Pored tog projektom ćemo omogućiti i nova zapošljavanja, te stvoriti pretpostavke za povlačenje sredstava iz fonda EU-kazao je Mirsad Hadžiselimović, ministra prostornog uređenja i zaštite okolice TK.

Načelnik Imamović i ministar Hadžiselimović razgovarali su i o zaštićenom pejzažu „Konjuh“ kao i o projektu toplifikacije grada Kladnja, gdje bi se kao energent koristilo bio gorivo.

„Namjera nam je da na području općine Kladanj pokrenemo pilot projekat kojim ćemo u dvije stambene zgrade instalirati peći na biomasu, te na taj način doprinijeti smanjenju štetnosti zagađenja okoliša i našim građanima ponuditi jedan kvalitetan način zagrijavanja stambenih i poslovnih prostora. Kada je u pitanju zaštićeni pejzaž „Konjuh“ mi ćemo kroz održavanje javnih rasprave o izradi prostornog plana zaštićenog Pejzaža imati priliku iznijeti svoje prijedloge“, istakao je Fuad Imamović, načelnik općine Kladanj.

Na kraju sastanka načelnik Imamović naglasio je da će posjeta ministra Hadžiselimovića Kladnju u značajnoj mjeri unaprijediti odnose između ove dvije institucije.

Sa sastanka održanog u Općini
Kladanj

MEĐUOPĆINSKA SARADNJA NA IZGRADNJI PREČIŠĆIVAČA OTPADNIH VODA

U prostorijama Općine Doboj Jug, 26. juna/ lipanja održan je sastanak predstavnika Tešnja, Doboj Juga i Usore sa predstavnicima Fonda za zaštitu okoliša FBiH.

Tema sastanka bile su aktivnosti na projektiranju, odnosno definiranju projektnog zadatka za izradu Studije izvodljivosti za izgradnju zajedničkog postrojenja za prečišćavanje otpadnih voda za područje tri susjedne općine Tešanj, Doboj Jug i Usora.

Ispred Općine Usora sastanku je prisustvovao Anto Bonić, pomoćnik općinskog načelnika za gospodarstvo i financije, Tešnja - Ismar Alagić, savjetnik općinskog načelnika za pristup EU fondovima i općinski koordinator projekta Prikupljanje, odvodnja i prečišćavanje otpadnih voda na području općine Tešanj, Doboj Juga - Džavid Aličić, općinski načelnik, Mustafa Kovačević, pomoćnik načelnika za privredu i financije i Umihana Krlićević iz Općinskog razvojnog tima, te Almir Kočo, zamjenik direktora Fonda za zaštitu okoliša Federacije BiH.

Učesnici sastanka su razmatrali nacrt verziju Projektnog zadatka za izradu Studije izvodljivosti izgradnje centralnog postrojenja za prečišćavanje otpadnih voda na navedenom području. Dogovoreno je da se u narednih nekoliko dana dostave u pismenoj formi komentari na predloženi dokument, kako bi se isti kompletirao i pristupilo se pripremi aplikacije za financiranje izrade navedene Studije izvodljivosti. Ovim činom navedene tri općine su pokazale visoku svijest o potrebi zaštite sliva rijeke Usore i vodoizvorišta na navedenom prostoru. Formiran je koordinacioni tim u sastavu Doc.dr. Ismar Alagić, mr. Umihana Krlićević Omerović i Anto Bonić, koji treba voditi sve dalje aktivnosti na realizaciji navedenog projekta.



Grb Općine Tešanj



Grb Općine Doboj Jug



Grb Općine Usora

OPĆINA GORAŽDE POTVRDILA DA SA PRAVOM POSJEDUJE CERTIFIKAT ISO 9001:2008



Sastanak predstavnika Općine Goražde sa predstavnicima certifikacijske kuće Bureau Veritas

GORAŽDE, 25. juni/lipanj – U prethodna dva dana tačnije u petak i danas u posjeti Općini Goražde bili su predstavnici renomirane certifikacijske kuće Bureau Veritas sa sjedištem u Londonu.

Predstavnici certifikacijske kuće su u skladu sa unaprijed ostvarenim programom kontrolnog nadzornog audita u službama za upravljanje Općine Goražde izvršili prvu kontrolu najnovijeg certifikata ISO 9001:2008 kojeg Općina Goražde posjeduje od prošle godine.

Zlatko Mujezinović, jedan od članova eksternog audit tima nije krio zadovoljstvo viđenim, te je istakao kako je opredjeljenje rukovodstva Općine dovelo do toga da je sistem znatno unaprijeđen i da pruža šansu za dalje unaprijeđenje i razvoj.



ZENICA ODABRANA ZA REALIZACIJU PROJEKTA LIJEČENJA I PREVENCIJE KORUPCIJE

ZENICA, 25. juni/lipanj – Općina Zenica je, na osnovu uspjeha u borbi protiv korupcije, odabrana kao sredina najpogodnija za realizaciju projekta 'Liječenje i prevencije korupcije u općinskoj upravi', a radi se o dijelu programa za urbano partnerstvo, 'Gradovi bez korupcije – gradovi sa budućnošću', kojeg provodi Institut Svjetske banke i Fondacija za lokalni razvoj.

Od početka juna/lipnja provedene su radionice sa rukovodiocima službi općinske uprave, direktorima javnih preduzeća i ustanova, a u toku je provođenje ankete u svrhu analize osjetljivosti pojedinih oblasti na korupciju i razloga koji dovode do njene pojave.

Anketiraju se zaposlenici javnih preduzeća, građani, nevladin sektor, poslodavci. Cilj je stvoriti jasniju sliku o korupciji u javnoj upravi, kako bi se odredili najefikasniji pravci djelovanja u borbi protiv ove pojave.

Projekat bi trebalo da rezultira izradom starteškog plana u borbi protiv korupcije u lokalnoj upravi, a biće završen do kraja godine.



Grb Općine Zenica



Grb Općine Grude

KORISNI LINKOVI ZA PREDPRISTUPNE
FONDOVE EU:

www.southeast-europe.net
www.adriaticipabc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

IZABRAN V.D. NAČELNIK OPĆINE GRUDE

GRUDE, 29. juni/lipanj – Na izvanrednoj, 27. sjednici Općinskog vijeća Grude, kojom je predsjedavala ovlaštena predstavica vijećnika Gordana Ilić iz HDZ-a BiH izvršen je izbor vršitelja dužnosti načelnika Općine Grude i izbor predsjednika Općinskog vijeća Grude.

Na sjednici, kojoj je prisustvovalo 20 vijećnika, predloženi dnevni red se sastojao od dvije točke - izbor vršitelja dužnosti načelnika općine Grude i izbor predsjednika Općinskog vijeća Grude. Nakon usuglašavanja dnevnog reda on je nadopunjen točkom 3 izbor zamjenika predsjednika Općinskog vijeća.

Na prvoj točki dnevnog reda za vršitelja dužnosti načelnika izabran je Ljubo Grizelj iz HDZ-a BiH, s 18 glasova za i 3 suzdržana.

Druga točka dnevnog reda se sastojala od izbor predsjednika Općinskog vijeća. Za predsjednika su predložena tri kandidata Jure Mikulić ispred NSRZB, Boro Šimunović ispred HSP-a BiH i Žarko Galić ispred HDZ-a 1990, za predsjednika je izabran Boro Šimunović s 14 glasova za.

Na trećoj točki dnevnog reda za zamjenike predsjednika Općinskog vijeća su izabrani Mladen Leko i Ivan Zorić koji su istupili iz HDZ 1990 i prešli u nezavisne vijećnike.



NAČELNIK IVANČEVIĆ DOBITNIK ZLATNE PLAKETE ILH

Jozo Ivančević, načelnik
Općine Prozor-Rama

Internacionalna liga humanista (ILH) sa Glavnim uredom u Sarajevu dodijelila je načelniku Općine Prozor-Rama Jozu Ivančeviću Zlatnu plaketu za ostvarene rezultate u radu lokalnih organa vlasti u skladu s Europskom poveljom o lokalnoj samoupravi.

Dodjelom ovog priznanja, Internacionalna liga humanista želi ukazati javnosti kako se primjenjuju i poštuju osnovni elementi europskih demokratskih standarda na lokalnoj razini, osobito prema biračima i javnosti, stoji između ostalih u informaciji koja je upućena u ured načelnika Ivančevića, navodi se na web stranici Općine Prozor-Rama.

Zlatnu plaketu načelniku Ivančeviću uručit će Martin Raguž, prvi dobitnik Zlatne povelje "Linus Pauling" za razvoj demokracije i kulturu dijaloga u politici.

OPĆINA ILIJAŠ POTPISALA PROTOKOL O BRATIMLJENJU SA OPĆINOM BAYRAKLI

Općina Ilijaš je 20. juna/lipnja 2012. godine potpisala protokol o bratimljenju sa općinom Bayrakli R. Turska. Protokol bratimljenja potpisan je na inicijativu nekadašnjeg načelnika Općine Karšijaka (Karşıyaka) i Počasnog Konzula Bosne i Hercegovine u R. Turskoj, gospodina Ahmeta Kemala Baysaka.

Delegacija Općine Ilijaš svečano je dočekanu ispred zgrade općine Bayrakli. Nakon toga načelnik općine Bayrakli – Hasan Karabağ je u svom uredu ugostio načelnika Općine Ilijaš – Nusreta Mašića, zamjenika predsjedavajućeg Općinskog vijeća Ilijaš – Besima Gljivu, pomoćnika načelnika – Akiha Fazlića, pomoćnika načelnika – Melihu Avdićbegić, pomoćnika načelnika – Sanju Zagorac-Jozić i direktora Javnog komunalnog preduzeća "Vodostan" Ilijaš – Saudina Mešetovića, koji su činili zvaničnu delegaciju općine Ilijaš.


Samo potpisivanje protokola bratimljenja je izvedeno u Osmangazi Centru koji pripada Općini Bayrakli. Počasni Konzul Bosne i Hercegovine je rekao da će Općina Bayrakli iz Izmiru i Općina Ilijaš iz Bosne i Hercegovine od sad biti bratske općine i dodao "nadam se da će uspostavljanje ovih bratskih veza biti od koristi ne samo na kulturnom nego i na ekonomskom nivou dviju općina. Povodom toga dvijema općinama želim poželjeti sretno u budućem radu".



Grb Općine Bayrakli



Grb Općine Ilijaš



Načelnik Mašić je u svom govoru istakao kako se u Bosni i Hercegovini dosta toga promijenilo nakon rata. „Na žalost i Općina Ilijaš je imala dosta rana i izgubila dosta u proteklom ratu. Smogli smo snage da obnovimo ono što je u ratu porušeno. Općina Ilijaš je udaljena 18 km od centra grada Sarajeva i ima dobre uslove za ulaganje u cilju daljeg ekonomskog razvoja i progresa. Općina Ilijaš ima potrebu za uspostavljanjem kvalitetnih ekonomskih, kulturnih, obrazovnih i drugih veza na nivou ove dvije bratske općine, te nam je velika čast i zadovoljstvo što je došlo do realizacije bratimljenja sa Općinom Bayrakli. Također, napominjem da potpisivanje protokola o bratimljenju neće ostati samo mrtvo slovo na papiru te u što kraćem roku očekujem uzvratnu posjetu Općine Bayrakli“, kazao je načelnik Općine Ilijaš.

Načelnik općine Bayrakli je naglasio da je za općinu velika čast bratimljenje sa tako lijepom općinom kao što je općina Ilijaš iz Bosne i Hercegovine. Načelnik Općine Bayrakli je dodao da se zahvaljuje glavnom inicijatoru ovog bratimljenja gospodinu Baysaku. Rat u Bosni i Hercegovini je bila sramota cijelog svijeta i tako treba da bude upisano u noviju svjetsku istoriju. Tokom i nakon rata Republika Turska i njen narod je bio uvijek uz narod bratske države Bosne i Hercegovine. Imali smo priliku da vidimo promotivni film o Općini Ilijaš, gdje smo vidjeli da je Općina bogata prirodnim ljepotama. Nadam se da će ovo bratimljenje biti od koristi za obje strane, kazao je u svom govoru načelnik Općine Bayrakli.

NAČELNIK OPĆINE GRADAČAC BORAVIO U SIVASU



U okviru saradnje između Općine Gradačac i grada Sivasa iz Republike Turske, a koji su 1995. godine potpisali sporazum o bratimljenju, delegacija Općine Gradačac na čelu sa načelnikom, boravila je u Sivasu 27. i 28. juna/lipnja tekuće godine. Povod posjete bio je potpisivanje Protokola o saradnji kojim će se konkretizirati ranije postignuti sporazum o dodjeli donacije za izgradnju Kulturnog centra u Gradačcu.

Obzirom da Bosna i Hercegovina i Republika Turska baštine mnoge zajedničke kulturne vrijednosti i da je to linija koja povezuje ove

države i narode, a na osnovu izražene volje naših prijatelja iz Turske da u Gradačcu izgrade neki spomenik materijalne kulture, općinske vlasti iz Gradačca su predložile izgradnju Kulturnog centra u Gradačcu. Kroz njega bi se intenzivirala saradnja između gradova i zemalja a svojom ulogom bi postao stjecište razvoja kulture i duhovnosti općenito.

Tako su, prilikom prošlogodišnje posjete delegacije Općine Gradačac prijateljskom Sivasu, na sjednici Skupštine grada odobrena sredstva u iznosu od 500.000 € za izgradnju Kulturnog centra u Gradačcu. Obzirom da je finalizirana urbanističko-građevinska dokumentacija, kao preduvjet za pristupanje realizaciji projekta, na red je došlo potpisivanje dokumenta o implementaciji donatorskih sredstava.

Uz srdačnu dobrodošlicu u Uredu gradonačelnika Sivasa Doana Urgupa potpisan je Protokol o saradnji između dva grada koji je stavio u obavezu stranama potpisnicama realizaciju predviđenih sredstava za izgradnju Kulturnog centra u Gradačcu. Obzirom da je legislativnim aktima Republike Turske predviđeno da svi projekti koji se implementiraju van granica zemlje moraju proceduralno proći kroz evidenciju i kontrolu Ministarstva unutrašnjih poslova Republike Turske, dok se završi predviđena procedura realizirat će se sredstva u iznosu od 200.000 €, a preostali dio sredstava u iznosu od 300.000 € u narednom periodu.

Poslije čina potpisivanja Protokola gradonačelnik Doan je zaželio blagoslov za realizaciju projekta načelniku Imširoviću i izrazio podršku Turske i turskog naroda građanima Bosne i Hercegovine, te naglasio da narod Bosne i Hercegovine u Turskoj uvijek ima velikog prijatelja. Načelnik Imširović zahvalio je načelniku Doanu i građanima Sivasa na bratskoj podršci koju pružaju Gradačcu i naglasio da će njihova pomoć u izgradnji Kulturnog centra predstavljati obavezu za sve one koji će kroz Centar realizirati projekte iz domena kulture, umjetnosti i svih oblika duhovnosti.



Bayraklı Belediyesi, Ilijaš Belediyesi'yle

Kardeş Şehir Oldu



Grb Općine Sivas



Grb Općine Gradačac

prilikom prošlogodišnje posjete delegacije Općine Gradačac prijateljskom Sivasu, na sjednici Skupštine grada odobrena sredstva u iznosu od 500.000 € za izgradnju Kulturnog centra u Gradačcu.

U ŽIVINICAMA ODRŽANA 4. MEĐUNARODNA SMOTRA FOLKLORNOG STVARALAŠTVA



ŽIVINICE, 27. juni/lipanj – Pod pokroviteljstvom općinskog načelnika Hasana Muratovića, proteklog vikenda, Kulturno-umjetničko društvo Živinice u Živinicama organiziralo je već tradicionalnu četvrtu Međunarodnu smotru folklornog stvaralaštva, na kojoj je nastupilo oko 300 izvođača iz Turske, Poljske, Slovačke, Ugljevika, Lukavca i Živinica.

Tokom smotre, brojni posjetioči su imali priliku uživati u programu i bogatom repertoaru koreografija koje su izveli folklorni ansambli Kulturno-umjetničkih društava.

Četvrta Međunarodna smotra folklornog stvaralaštva "Živinice 2012." započela je Svečanim defileom učesnika smotre od BKC-a do Srednjoškolskog centra i natrag - do gradske bine iza zgrade Općine Živinice.

Kulturno zabavni program na gradskoj bini, započeli su članovi mlađe prve grupe KUD-a Živinice, zatim je nastupio sastav iz Turske, mladi iz KUD-a Lukavac, te folklorne grupe iz Turske, Poljske, Ugljevika i Slovačke. Svaka folklorna grupa izvela je po dvije koreografije.

Organizatori su istakli da im je drago što su građanima priredili ovakvu večer, manifestaciju koja predstavlja zaštitu našeg kulturno historijskog naslijeđa te očuvanje naših običaja i tradicije. Ovim



povodom Gradski bulevar u Živinicama u subotu je bio pun ljubitelja folkloru koji su uživali u prekrasnim izvedbama plesa i pjesama domaćih i stranih grupa.

KORISNI LINKOVI ZA PREDPRISTUPNE FONDOVE EU:

www.southeast-europe.net
www.adriaticpacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfoentar.ba
www.balkanfund.org
www.eurelmed.com
www.eacea.ec.europa.eu

"Evropska unija donijela je nekoliko upozorenja da će zabraniti uvoz drvnih proizvoda ukoliko šume ne budu certificirane. Iako su brojni rokovi već probijeni, od prvog januara naredne godine neće biti moguć izvoz drvnih proizvoda ukoliko se ne uvede FSC certifikat. Međutim, za poduzimanje bilo kakvih mjera u ovoj oblasti, osnovi preduslov je postojanje zakona o šumama..."

NI ZAKONA, NI CERTIFIKATA: ŠUMARSTVO U FBiH NA RUBU ODRŽIVOSTI

Šumarstvo u Federaciji BiH više od pola godine djeluje bez ikakvog pravnog okvira, nakon što je zakon o šumama prije dvije godine suspedovan, a uredba koja je u međuvremenu bila na snazi istekla je 6. decembra prošle godine.

Nedostatak legislative koja regulira šumarstvo usporio je i proces uvođenja FSC certifikata u državnim šumama kojima gospodare kantonalna šumsko-privredna preduzeća. Od ukupno devet ovakvih preduzeća, jedino Šumarsko-privredno preduzeće Unsko-sanske šume posjeduje ovaj certifikat.

FSC oznaka od velike je važnosti za uspješan izvoz drva u zemlje Evropske unije, jer na taj način firme koje se bave preradom drveta dokazuju da koriste odgovorno proizvedene sirovine.

Midhat Ahmetović, potpredsjednik Grupacije šumarstva i drvne industrije Privredne komore FBiH, upozorava da se javna preduzeća nalaze daleko od uvođenja ovih standarda, a bliži se rok do kojeg će Evropska unija tolerirati uvoz necertificiranih proizvoda.

"Evropska unija donijela je nekoliko upozorenja da će zabraniti uvoz drvnih proizvoda ukoliko šume ne budu certificirane. Iako su brojni rokovi već probijeni, od prvog januara naredne godine neće biti moguć izvoz drvnih proizvoda ukoliko se ne uvede FSC certifikat. Međutim, za poduzimanje bilo kakvih mjera u ovoj oblasti, osnovi preduslov je postojanje zakona o šumama, što je trenutno glavni limitirajući faktor", ističe Ahmetović.

On smatra da, zbog nepostojanja zakona o šumarstvu, u tako kratkom periodu nije moguće izvršiti certificiranje šuma. Osim toga, rukovodice šumsko-privrednih društava čeka još puno posla kako bi sanirali gubitke preduzeća i uspostavili pozitivno poslovanje, što je jedan od osnovnih preduslova za uvođenja FSC certifikata.

"Javna preduzeća koja upravljaju šumama u FBiH jako teško posluju. Primjera radi, nedavno smo razgovarali sa novom upravom Šuma Središnje Bosne, koja je na startnoj osnovi naslijedila gubitke od oko deset, a ukupna dubioza se kreće oko 20 miliona KM. Potrebno je zaustaviti te negativne trendove, otplatiti ranije dugove, riješiti hipoteke, izmiriti obaveze i dugovanja, pa tek ona izvršiti konsolidaciju i uspostaviti uspješno poslovanje", navodi Ahmetović.

FSC oznaka dobila je naziv po nevladinoj organizaciji Forest Stewardship Council koja je uspostavila međunarodni sistem certificiranja šuma, a teži očuvanju šuma i potiče odgovorno gospodarenje s njima.

Osnovni cilj izdavanja FSC certifikata je osiguravanje održivog razvoja u gospodarenju šumama s idejom da će potrošači radije kupovati, makar platili i više, proizvode koji potiču iz šuma kojima se potrajno gospodari na održiv način, nego proizvode čije porijeklo nije dokazano. (eKapija)

**Savez općina i gradova Federacije
Bosne i Hercegovine**

Musala 5/1
71 000 Sarajevo

Phone: ++387 33 216 502, 209 024, 209 120

Fax: ++387 33 552 810, 552 811

E-mail: dino@sogfbih.ba

Nađite nas na facebook-u



POSJETITE NAS NA WEB-U

WWW.SOGFBIH.BA

RASPISAN TENDER ZA IZGRADNJU VJETROELEKTRANE U BOSANSKOM PETROVCU

Ministarstvo privrede Unsko-sanskog kantona raspisalo je javni poziv za prikupljanje ponuda za dodjelu koncesija za izgradnju vjetroelektrana pojedinačne snage pet megavata na području općine Bosanski Petrovac.

Prema riječima resornog ministra Redže Kurbegovića predmet koncesije je zemljište površine oko 1.800 hektara na lokalitetu Medeno polje, a period na koji se dodjeljuje koncesija iznosiće maksimalno 30 godina od dana puštanja vjetroelektrana u komercijalni pogon.

"U proteklom periodu interesovanje za izgradnju ovakvih energetske objekata izrazilo je nekoliko velikih inostranih kompanija. Njihove namjere su vrlo ozbiljne, tako da je ovo jedan od koraka koje smo napravili u cilju privlačenja stranih investicija", istakao je Kurbegović.

Energija vjetra na području općine Bosanski Petrovac, čije istraživanje je u toku, prema procjenama mogla bi imati snagu od preko 200 megavata (MW). Prema dosadašnjim pismima namjere, vrijednost investicije u vjetroparkove u Bosanskom Petrovcu bi premašila 50 miliona eura, a u općini kažu da bi izgradnja parka vjetroelektrana mogla početi sljedeće godine, ukoliko ne bude problema u procedurama dobijanja dozvola.

Kanadska kompanija "Greta Energie", koja ima firmi i u BiH, prve tehničke i druge pripreme radnje počela je još 2008, dok je prije tri godine započeto s mjerenjima. U međuvremenu, u posljednjih godinu dana, u ovom poslu prisutna je i njemačka kompanija "Kraft", s kojom je i potpisan sporazum o namjeri instaliranja vjetroparka od 150 MW.

Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu prosljedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

